



Republika e Kosovës

- Këshilli Komunal Për Siguri në Bashkësi (KKSBB)–

01.Nr. zyrtar/ 2023



Komuna e Kaçanikut

Procesverbal

Takimi i I-rë i Këshillit Komunal për Siguri në Bashkësi për vitin 2023

Më 23.02.2023

Në takim prezantuan:

Besim Ilazi, Kryetar i Komunës

Sabedin Vishi, Nënkyetar i Komunës

Zahir Doda, Drejtor i Arsimit

Halim Shehu, Stacioni i Policisë-Kaçanik

Fatmir Qaka, EVSB

Shemsedin Abazi-KLSP

Elmihane Malsiu-HANDIKOS

Bujar Bajra-Sektori i Emergjencave Civile Komunale

Ylber Tusha-Përfajqsuesi i Bizneseve

Fidaim Fazliu-KBI

Naim Hysa-Kryqi i Kuq Komunal

Mbledhjen e kryesoi Kryetari i Komunës me këto pika të rendit të ditës :

- 1.Miratimi i procesverbalit nga mbledhja e kaluar
- 2.Gjendja e sigurisë në territorin e Komunës së Kaçanikut
- 3.Gjendja e rrugëve dhe mirëmbajtja dimërore
- 4.Trajtimi i rekomandimeve nga takimet e KKSB gjat vitit 2022
- 5.Të ndryshme

1.Procesverbali u miratua nga të pranishmit

2.Gjendja e sigurisë në territorin e Komunës së Kaçanikut

Për gjendjen e sigurisë në Komunën tonë raportoi Komandanti i Stacionit të Policisë **Halim Shehu** i cili tha se situata e sigurisë në periudhën në mes të dy takimeve ka qenë e qetë dhe stabile.

Gjithsejtë kemi pasur 63 raste ku prej tyre 10 janë vjedhje, vjedhje e rëndë 15 raste , shpërdorim i pasurisë 4 raste, dëmtim i pronës 5 raste, kanosje 7 raste , sulm një rast, dhunë në familje në krahasim me periudhat e mëhershme kemi më pak gjithsejt tri raste , lëndim trupor dy raste , falsifikim i parasë dy raste, ngacmime dy raste, lëndim aksidental një rast , përdorim i lëndëve narkotike një rast , përdorim i armës dy raste , tentim për vetvrasje një rast , pengim i zyrtarit në ushtrimin e detyrës një rast , incident në një ngjarje një rast , një vrasje , zjarrvënje një rast , tentim vjedhje dy raste , mashtrim një rast .

Sa i përket xhobave për parking ilegal gjithsejtë gjat kësaj periudhe kohore janë lëshuar 590 tiketa ku prej tyre ka pasur edhe për mos vendosjen e rrypit të sigurisë dhe për vozitje pa leje të vozitjes.

Nëpër shkolla gjendja e sigurisë është e mirë falë bashkëpunimit të mirë që kemi me institucionet arsimore.

Këto muaj ka rënë intenziteti i vjedhjes së pyjeve që ndoshta është edhe arsyeja se qytetarët janë furnizuar me masë drusore të kontrolluar nga institucionet e pylltarisë.

3.Gjendja e rrugëve dhe mirëmbajtja dimërore

-Në këtë pikë të rendit të ditës prezent ishte edhe Drejtori i Shërbimeve Publike dhe Emergjencia i cili tha se falë edhe kushteve atmosferike që kanë qenë të mira deri më tani nuk kemi pasur vështirësi të menaxhimit të situatës.

4.Trajtimi i rekomandimeve nga takimet e KKSB gjat vitit 2022

Lidhur me rekomandimet që janë dhënë nga viti i kaluar Kryetari tha se janë munduar si institucion të i zbatojnë por që kanë mbetur dhe disa të tjera që besoj do të vazhdojmë të punojmë në realizimin e atyre rekomandimeve që janë edhe si prioritet i komunës. Gjithashtu edhe Komandanti i Policisë tha se janë munduar që rekomandimet vitit të kaluar të i zbatojnë me përpikmëri me aq mundësi dhe potencial që kemi.

5. Të ndryshme

Në pikën e fundit të rendit të ditës me kërkesë të anëtarëve të KKSB prezent ishte edhe inspektori i tregut i cili raportoi për punën që ka bërë gjat vitit 2022

Arben Fera: ne si inspektorat vazhdimisht bëjmë inspektime në biznese e kohëve të fundit aktiviteti jonë ka qenë në biznese që gravitojnë afër shkollave. Gjatë kryerjes së punës tonë ne kemi hasur edhe parregullsi në disa biznese sidomos shitja e duhanit fëmijëve që është e ndaluar me ligj dhe ndaj tyre kemi bërë edhe procese për masa ndëshkimore. Puna e inspektorëve është të hulumtojnë raste, të japin vërejtje ndërsa hetuesinë e bënë tjetër institucion.

Elmihane Malsiu: ka informata se disa lokale biznesore afër shkollave përveç disa produkteve ushqimore të lejuara servojnë edhe sendviqe dhe mua më intereson të dijë se a keni pasur raste të tilla dhe a është kontrolluar ndonjë lokal në lidhje me kushtet e punës për tu marrë edhe me këtë veprimtari.

Arben Fera: lidhur me këtë qështje mirret inspektori sanitarë i cili tashmë ka kaluar në nivel regional.

Zahir Doda: më intereson të dijë se a keni të drejtë ju si inspektorë të hyni e të bëni një inspektim mbrenda një lokali ku dyshohet se ka parregullsi. Mua më intereson sidomos dukuria e shitjes së cigareve me copë që është brengosëse ngase nxënësit janë ata që shërbehen nga pronarët e këtyre bizneseve.

Arben Fera: sigurisht se e kemi atë të drejtë dhe nëse hasim probleme e ftojme edhe policinë në asistim. Sa i përket shitjes së cigareve me copë ne nuk mundemi ta ndalojmë por që nëse prindi dhe mësimdhënësit në prezencë të nxënësve japin deklaratë se shitësi e ka shërbyer fëmijën atëher ne mundemi të ndërmarrim masa.

Nënkryetari: ne duhet të punojmë në preventivë ngase dukuria e shitjes së cigareve me copë është bërë dukuri brengosëse

Fidaim Fazliu: siç u tha edhe nga parafolësit dukuria e shitjes së cigareve me copë është brengosëse ngase janë fëmijët të cilët ju ekspozohen kësaj dukurie andaj duhet të veprojmë ligjërisht në pengimin e kësaj dukurie sepse nuk besoj që ndonjë mësimdhënësi mundë të lajmëroj ndonjë rast.

Brengosëse është edhe pirja e duhanit nëpër hapsira shkollore nga nxënësit dhe vet stafi arsimorë dhe dua të dijë se a janë marrë masa në këtë drejtim për të parandaluar këtë dukuri.

Zahir Doda: Pirja e duhanit është e ndaluar me ligj nëpër të gjitha hapsirat e mbyllura të institucioneve dhe në bazë të disa informacioneve që kam është e ndaluar edhe në hapsira të jashtme të objekteve shkollore. Mbrenda objektit shkollor nuk ka ndodhur që ndokush nga stafi arsimor dhe nxënësit e shkollave të dal jashtë këtij ligji që ndalon pirjen e duhanit.

Halim Shehu: kohëve të fundit për shkak të kohës së mirë janë mbushur trotualet me karrige e tavolina nga kafiteritë që po pengojnë lëvizjen e lirë të qytetarëve. Ne si polici kemi dalë në aksion dhe u kemi dhënë vërejtje pronarëve të kafiterive që kët gjë mos ta përsërisin. Gjithashtu disa biznese vendosin reklama në trotuare dhe parkingje që gjithashtu është është një dukuri e ndaluar dhe në momentin që inspektorët komunal kërkojnë asistimin tonë ne do të jemi të gatshëm për bashkëpunim.

Kryetari: është e vërtet se kohëve të fundit janë mbushur trotualet me karrige e tavolina nga pronarët e kafiterive dhe inspektorët komunal gjithashtu kanë dalë në teren dhe u kanë dhënë vërejtjet e fundit dhe besoj se kjo dukuri nuk do të përsëritet.

Nënkryetari:dukuria e vjedhjeve është një dukuri shqetësuese për shoqërinë dhe me intereson të dijë nga komandanti i policisë se a është ndërmarrë diçka në identifikimin dhe kapjen e autorëve.

Halim Shehu:është punuar në këtë drejtim dhe disa recidivistë janë duke e vuajtur dënimin por që shqetësuese është hezitimi për ofrimin e të dhënave nga qytetarët.

Naim Hysa:shqetësim i madh për banorët e fshatit Stagovë është vendpunishtja e INFRAKOS e cila nuk ka ndërmarrë kurrfarë masa për të evituar ndonjë rrezik të mundshëm.Makineria e rëndë qarkullon nëpër mes rrugës e trotuareve e ngarkuar dhe pa mbulesë ,mungesa e shenjave sinjalizuese dhe mungesa e shiritave është një pakujdesi e kompanisë së vendpunishtës ngase po rrezikojnë edhe fëmijët që lëvizin në këtë teren.Kërkoj nga komuna dhe nga policia të dalin në teren dhe të njoftohen më mirë me gjendjen reale.Kjo dukuri është prezentë edhe në qytet sidomos rrugës që të shpie te shkolla fillore „Emin Duraku”(Dushkajë).

Halim Shehu:kemi pasur ankesa nga banorët e kësaj ane dhe patrollimet e policisë në këtë pjesë janë 2 deri 3 herë në ditë dhe gjithashtu kemi kontaktuar edhe punëkryesin që të ju përmbahet rregullave të sigurisë gjatë punimeve që bëjnë në këtë pjesë.

Nënkryetari:Ne si komunë kemi bërë inqizime dhe raport të gjendjes reale, kemi kontaktuar edhe me zyrtarë nga ministria dhe INFRAKOS dhe na është premtuar se do ta menagjojnë si duhet situatën gjatë punimeve dhe çdo gjë që është dëmtuar do të riparohet por që diçka me shkrim nuk kemi ende.

REKOMANDIMET

- 1.Të inspektohen bizneset lidhur me respektimin e kushteve sipas rregullave në fuqi dhe të tregojnë kujdesë maksimal ndaj produkteve që tregtojnë.
- 2.Të mirren masa ndaj bizneseve që u shërbejnë fëmijëve produkte të duhanit dhe pije alkoolike .
- 3.Të respektohet ligji kundër pirjes së duhanit në hapsira të mbyllura.
- 4.Të merren masa ndaj pronarëve të kafiterive të cilët përdorin trotuaret për shërbime e reklama.

Kryesuesi:Kryetari i Komunës

z.Besim Ilazi



Procesmbajtës:

Fatmir Qaka